



СЕКРЕТАРИЈАТ  
ЗАЈЕДНИЧКА СЛУЖБА

Сектор за Европску унију

СЕКРЕТАРИЈАТ/ТАЈНИШТВО  
ЗАЈЕДНИЧКА СЛУЖБА

Сектор за Европску унију  
Сектор за Европску унију

Број: 03/17  
Сарајево, 10.3.2023.

ЗАЈЕДНИЧКО ПОВЈЕРЕНСТВО  
ЗА ЕУРОПСКЕ ИНТЕГРАЦИЈЕ

КОЛЕГИЈ ТАЈНИШТВА  
ПАРЛАМЕНТАРНЕ СКУПШТИНЕ БИХ

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 10-03-2023			
Organizaciona jedinica	Klasifikaciona oznaka	Redni broj	Broj priloga
03/17	05-1	434/13	

**Predmet:** Izvještaj o realiziranim aktivnostima u okviru izrade Programa integriranja BiH u EU, dostavlja se.-

Poštovani,

u privitku dostavljamo Izvješće o realiziranim aktivnostima u okviru izrade Programa integriranja BiH u EU, koji smo zaprimili posredstvom tajnika Radne skupine za političke kriterije s pratećom prepiskom.

Privitak:

- E-mail predsjedništva/tajnika RG za političke kriterije (2 str.)
- Izvještaj o realiziranim aktivnostima u okviru izrade Programa integriranja BiH u EU (15 str.)


S poštovanjem.

VODITELJ SEKTORA

Dejan Vanjek

Dostavljeno:

- naslovu
- a/a



## Dejan Vanjek

---

**From:** Armin Spahić <Armin.Spahic@dei.gov.ba>  
**Sent:** Monday, March 6, 2023 5:18 PM  
**To:** Darija Ramljak; Armin Spahić; damir.sapina@fmp.gov.ba; adis.omerovic@fmp.gov.ba; S.Jovetic@meoi.vladars.net; T.Scepovic@meoi.vladars.net; Neven Akšamija; goran.rakic@iddeea.gov.ba; Lejla.dzozlic-custo@javnenabavke.gov.ba; Dragan Slipac; Saša Leskovic; radmila.cickovic@bhas.gov.ba; Silvije Fućec; milunovics@osa-oba.gov.ba; Ranko Šakota; goran.miskovic@izbori.ba; sstanic@dep.gov.ba; Ivica Perić; nvranches@ombudsmen.gov.ba; Danka Polovina-Mandić; Adnan Husić; Vera Letica; Zahida Hurić-Strika; Muhamed Smajić; Željko Bogut; Senad Kušević; Marijana.Zubonja@mvp.gov.ba; Saliha Đuderija; Dejan Vanjek; Zoran Đerić; aodobasic@rak.ba; emira.hodzic@sudbih.gov.ba; izet.odobasic@tuzilastvobih.gov.ba; Aldijana Omeragić; izekic@revizija.gov.ba; Azra Berković; natasa.vukovic@ustavisud.ba; emir.srna@pravosudje.ba; refik.begic@adsfbih.gov.ba; Sead.Lisak@fbihvlada.gov.ba; arben.murtezic@cest.gov.ba; aida.hadzic-salkic@parlamentfbih.gov.ba; Nina.tavra@fgu.com.ba; Beco.Sarajlija@fzzpr.gov.ba; tihomir.curak@fmf.gov.ba; Zerina.Konjhodzic@fmpik.gov.ba; Josip.Nikolic@fmpu.gov.ba; ismira.kalkan@fmrsp.gov.ba; Mersida.Haveric@fmroi.gov.ba; pravni@fmup.gov.ba; Adisa.Mehic@fmz.gov.ba; fadil.pljakic@gmail.com; nerma.hadzibegic@pravosudje.ba; amel.topalovic@finpol.gov.ba; negra.masovic@fia.ba; vinko.jerinic@fond.ba; belma.ramic@gcfbih.gov.ba; enis.filipovic@fbihvlada.gov.ba; bosiljka.juzbasic@fpu.gov.ba; elvira.habota@parlamentfbih.gov.ba; vjekoslav.camber@fbihvlada.gov.ba; kristina.maric@fbihvlada.gov.ba; miab@vrfbih.ba; mirsad.gacanin@fbihvlada.gov.ba; velimir.peric@ustavisudfbih.ba; Ilhana.jamak@pravosudje.ba; dijana.simanic@fzs.ba; aleksandar.radeta@adu.vladars.net; aleksandra.vukoje@fondinvs.org; m.lukac@gc.vladars.net; marko.tutnjevic@irbrs.net; Ilijana.jovic@jfdz.org; tamara.curuvija@rtrs.tv; s.krnjaic@mf.vladars.net; v.loncar@mpos.vladars.net; slobodan.zec@mpr.vladars.net; Z.Garaca@mp.vladars.net; r.klickovic@mpb.vladars.net; natasa.simnjanoski@mup.vladars.net; d.vucenovic@muls.vladars.net; d.begovic@mgr.vladars.net; ministarstvo-zdravlja@mzsz.vladars.net; ducablago@mail.ru; info@djeca.rs.ba; bosapredragovic@yahoo.com; m.kojic@rcirz.vladars.net; lj.oreskovic@rsrlm.vladars.net; dean.arezina@rzs.rs.ba; bosko.magazin@policijabdbih.gov.ba; d.djurovic@pkbd.ba; Sanja Alatović; mpu@vladahbz.com; adis.cobanli@gmail.com; damirbakovic063@gmail.com; ivo.maglica@vladahbz.com; aladin.cehic@gmail.com; procsuad@gmail.com; munira.alagic@skupstinausk.ba; una.redzic@vladausk.ba; markodujak07@gmail.com; zoranlovric@yahoo.de; marko.mamic84@gmail.com; mirelat@tk.kim.ba; murselmirza@yahoo.com; skupstina@tk.bih.net.ba; adis.cehic@zdk.ba; aida.mujić@mupzdk.gov.ba; melih.karan@zdk.ba; mirnes.burkic@zdk.ba; aldina.cosic@zdk.ba; denis.bojinovic@zdk.ba; salih.alispahic@zdk.ba; harisklovo987@gmail.com; nudzeim.dzihanic@bpkg.gov.ba; muhamed.softic@sbk-ksb.gov.ba; jasosultanic@hotmail.com; salko.camo@muphnb.ba; martinac.anita@gmail.com; marijananosic@ymail.com; dgalic18@gmail.com; slavenplaninic@gmail.com; julijana.simovic@gmail.com; milasiva4@gmail.com; zejna.avdic@mf.ks.gov.ba; hasan.zemanic@mpu.ks.gov.ba; adoiadin@gmail.com; aida.zekovic@skupstina.ks.gov.ba; adis.palo@vlada.ks.gov.ba

**Subject:** Izveštaj o realizovanim aktivnostima u okviru izrade Programa integrisanja Bosne i Hercegovine u Evropsku uniju

**Attachments:** Izveštaj o realizovanim aktivnostima\_Program integrisanja\_01022023.pdf

**Follow Up Flag:** Flag for follow up



**Flag Status:**

Flagged

Poštovani članovi Radne grupe za političke kriterije,

Komisija za evropske integracije je na 13. sastanku, održanom 27. februara 2023. godine, usvojila Izvještaj o realizovanim aktivnostima u okviru izrade Programa integrisanja Bosne i Hercegovine u Evropsku uniju koji vam se dostavlja u prilogu.

Zaključkom Komisije za evropske integracije zadužena je Direkcija za evropske integracije da Izvještaj dostavi Kolegiju za evropske integracije.

**Zaključci sa 13. Sastanka Komisije za evropske integracije:**

**3. Usvajanje Izvještaja o realizovanim aktivnostima u okviru izrade Programa integrisanja Bosne i Hercegovine u Evropsku uniju**

- I. Usvaja se Izvještaj o realizovanim aktivnostima u okviru izrade Programa integrisanja Bosne i Hercegovine u Evropsku uniju od 1. februara 2023. godine;*
- II. Zadužuje se sekretarijat Komisije za evropske integracije da Izvještaj o realizovanim aktivnostima u okviru faze određivanja prioriteta od 1. februara 2023. godine dostavi Kolegiju za evropske integracije.*

S poštovanjem,

Sekretar Radne grupa za političke kriterije

Armin Spahić  
viši stručni saradnik za politički kriterij i  
koordinaciju Procesa stabilizacije i  
pridruživanja

BOSNA I HERCEGOVINA

DIREKCIJA ZA EVROPSKE INTEGRACIJE

☎ +387 33 408 930 📠 +387 33 255 003

✉ Đoke Mazalića 5, Sarajevo

[www.dei.gov.ba](http://www.dei.gov.ba)


EMBRACE  
DIVERSITY



\* This e-mail is confidential, and may also contain privileged information. If you are not the intended recipient, you are not authorized to read, print, save, process or distribute, forward this message. If you have received this message by mistake, please inform the sender immediately and delete this e-mail, its attachments and any copies.

\* Message scanned by Lion Port of Mail Security

\* This message is digital signed and digital signature on this message is Valid and Trusted



**IZVJEŠTAJ O REALIZOVANIM AKTIVNOSTIMA U  
OKVIRU IZRADE PROGRAMA INTEGRISANJA BiH U EU**

Sarajevo, 1. februar 2023. godine

## Uvod

Kolegijum za evropske integracije je 7. maja 2020. godine usvojio zaključke kojim potvrđuje neophodnost izrade i usvajanja Programa integrisanja Bosne i Hercegovine u Evropsku uniju (Program). Kolegijum je zadužio Komisiju za evropske integracije da pripremi Metodologiju izrade Programa, u skladu sa principima Odluke o sistemu koordinacije procesa evropskih integracija u Bosni i Hercegovini. Radna grupa koju je formirala Komisija je pripremila nacrt Metodologije za izradu Programa koji je usaglašen od strane Komisije za evropske integracije 15. septembra 2020. godine. Kolegijum za evropske integracije je 24. septembra 2020. godine usvojio Metodologiju za izradu Programa, čime je započet proces izrade ovog dokumenta. Metodologijom za izradu Programa je definisano da je rok za završetak izrade Programa integrisanja 15 mjeseci po usvajanju iste, odnosno do **24.12.2021. godine**.

U skladu sa usvojenom Metodologijom strukturu Programa čine:

- Akcioni plan usklađivanja propisa u BiH sa propisima EU,
- Akcioni plan za realizaciju preporuka Evropske komisije (mjere koje ne predstavljaju usklađivanje propisa) i
- Pregled administrativnih kapaciteta.

Metodologijom je potvrđena i neophodnost snažne informatičke podrške za izradu Programa integrisanja. Direkcija za evropske integracije, u skladu sa principima Odluke o sistemu koordinacije procesa evropskih integracija u BiH, osigurava i informatičku podršku radu radnih grupa. U tom smislu, Direkcija je razvila Informacioni sistem za podršku procesu evropskih integracija u okviru kojeg je i Modul 2 za izradu Programa integrisanja. Direkcija je odgovorna za efikasno funkcionisanje i održavanje Informacionog sistema i u proteklom periodu je završila projekat unapređenja Modula 2 Informacionog sistema, tj. njegovog ažuriranja u skladu sa zahtjevima Metodologije za izradu Programa integrisanja. Unaprijeđeni Modul 2 Informacionog sistema obezbjeđuje interakciju između svih institucija koje učestvuju u procesu izrade Programa integrisanja, što značajno smanjuje troškove izrade dokumenta, doprinosi povećanju transparentnosti, efikasnosti i efektivnosti procesa. Informacioni sistem obezbjeđuje i različite načine izvještavanja po obavezama iz Programa integrisanja (prema nivou vlasti, nadležnim institucijama, poglavljima Programa integrisanja, propisima u BiH, propisima EU, itd.).

U skladu sa odredbama Metodologije, Direkcija za evropske integracije je, u saradnji sa koordinirajućim institucijama za evropske integracije na svim nivoima vlasti u BiH, pripremila Detaljan plan aktivnosti za svaku fazu izrade Programa integrisanja.

### Prve tri faze izrade Programa

Direkcija za evropske integracije je 14.10.2020. godine, u saradnji sa koordinatorima za evropske integracije na svim nivoima vlasti u BiH, pripremila Detaljan plan aktivnosti za prve tri faze izrade Programa i to:

1. Pripremne aktivnosti,
2. Unos u Informacioni sistem postojećih propisa kojima je vršeno usklađivanje sa propisima EU i



### 3. Određivanje prioriternih propisa Evropske unije i prioriternih preporuka Evropske komisije.

Kao krajnji rok za završetak prve tri faze izrade Programa integrisanja određen je 19.3.2021. godine. Uzimajući u obzir otežane okolnosti za rad radnih grupa za evropske integracije usljed pandemije izazvane virusom COVID-19, rok za završetak prve tri faze izrade Programa integrisanja je nekoliko puta pomjeren i istekao je 23.4.2021. godine.

Na osnovu analize realizovanih aktivnosti u okviru prve tri faze izrade Programa konstatovana su kritična odstupanja od planirane dinamike rada. Radne grupe se nisu pridržavale rokova definisanih u Detaljnom planu aktivnosti. Napominjemo da su planirani rokovi bili dovoljno dugi i da su uvažavali otežane okolnosti na izradi dokumenta uzrokovane pandemijom virusa COVID-19, pa samim tim nisu bila opravdana višemjesečna kašnjenja i zastoji u radu na izradi Programa integrisanja.

Direkcija za evropske integracije se u dva navrata (10.5. i 28.5.2021. godine) elektronskim putem obratila svim predsjedavajućim i zamjenicima predsjedavajućih radnih grupa za evropske integracije, podsjetila da je rok za dostavljanje listi prioriternih propisa EU i prioriternih preporuka EK istekao i pozvala ih da što prije okončaju procedure usvajanja pomenutih listi.

Takođe, Direkcija za evropske integracije se 26.7.2021. godine obratila predsjedavajućim i zamjenicima predsjedavajućih radnih grupa koje nisu završile sa aktivnostima u okviru prve tri faze i pozvala ih da preduzmu sve potrebne aktivnosti kako bi se ubrzao proces glasanja i Direkciji za evropske integracije dostavile liste usaglašenih prioriternih propisa EU i prioriternih preporuka EK.

U nastavku su detaljno navedene realizovane aktivnosti u okviru prve tri faze izrade Programa integrisanja, kao i radne grupe za evropske integracije, nivoi vlasti i pojedinačne institucije koji nisu ispunili svoje obaveze i ispoštovali predviđene rokove.

#### *1. Pripremne aktivnosti*

Sa ciljem detaljnijeg predstavljanja važnosti izrade Programa integrisanja Bosne i Hercegovine u Evropsku uniju, te predstavljanja Metodologije za izradu Programa i Informativnog sistema za podršku izradi Programa, na samom početku procesa (19. i 20. oktobra 2020. godine) održani su *kick-off* sastanci sa članovima Komisije za evropske integracije, predsjedavajućim, zamjenicima predsjedavajućih i sekretarima radnih grupa za evropske integracije.


Takođe, jedna od ključnih pripremnih aktivnosti koja je realizovana je održavanje online obuka za sve članove radnih grupa za evropske integracije. Svrha ovih obuka je bila da se u okviru čitave administracije u Bosni i Hercegovini unaprijedi i izjednači nivo znanja i svijesti o procesu evropskih integracija i izradi Programa, te da se predstavi Metodologija izrade Programa, Plan aktivnosti za prve tri faze izrade Programa i Informativni sistem za podršku izradi Programa i za njegovo korišćenje obuče državni službenici koji će učestvovati u ovom procesu. U periodu 2.11 – 20.11.2020. godine održano je 30 online obuka na kojima je učesće uzelo 626 državnih službenika iz 36 radnih grupa za evropske integracije. Po završetku obuka, a na osnovu diskusije, sugestija i komentara učesnika pripremljen je i dokument Često

postavljena pitanja, koji je poslužio kao dodatna pomoć za realizaciju predviđenih aktivnosti u prvim fazama izrade Programa integrisanja.

Osim toga, Direkcija za evropske integracije je tokom cijelog procesa izrade Programa pružala stručnu pomoć predstavnicima institucija u radnim grupama za evropske integracije putem neformalnih konsultacija.

## 2. Unos postojećih propisa u Informacioni sistem

Institucije u BiH sa svih nivoa vlasti (preko svojih predstavnika u radnim grupama za evropske integracije) su u izvještajnom periodu (zaključno sa 31.1.2023. godine) u Informacioni sistem unijele **1321 propis** kojim je vršeno usklađivanje, a čiji su bili predlagači. Na ovaj način je po prvi put formirana jedinstvena baza podataka u kojoj se nalaze propisi u Bosni i Hercegovini kojima je vršeno usklađivanje sa propisima EU, sa svim potrebnim informacijama i pokazateljima.



Direkcija za evropske integracije je na osnovu podataka kojima raspolaže pripremila kratku analizu unesenih propisa. Ustanovljeno je da, zaključno sa 31.1.2023. godine, **17 radnih grupa** nisu kompletirale unos propisa kojima je vršeno usklađivanje u Informacioni sistem.

Sljedeće institucije sa državnog nivoa nisu unijele propise kojima je vršeno usklađivanje sa propisima EU, a čiji su bili predlagači:

- Ministarstvo civilnih poslova BiH u poglavljima 3 – Pravo poslovnog nastana i sloboda pružanja usluga, 24 – Pravda, sloboda i sigurnost i 28 – Zaštita potrošača i zdravlja;
- Ministarstvo bezbjednosti BiH u poglavlju 24 – Pravda, sloboda i sigurnost;
- Ministarstvo spoljne trgovine i ekonomskih odnosa BiH u poglavlju 30 – Spoljni odnosi;
- Ministarstvo za ljudska prava i izbjeglice BiH u poglavlju 24 – Pravda, sloboda i sigurnost;

- Uprava za indirektno oporezivanje u poglavlju 4 – Slobodno kretanje kapitala;
- Regulatorna agencija za komunikacije u poglavlju 10 – Informaciono društvo i mediji;
- Agencija za javne nabavke BiH u poglavlju 5 – Javne nabavke
- Agencija za lijekove i medicinska sredstva BiH u poglavlju 28 – Zaštita potrošača i zdravlja;
- Agencija za sigurnost hrane BiH u poglavlju 28 – Zaštita potrošača i zdravlja;
- Državna regulatorna komisija za električnu energiju u poglavlju 15 – Energija;
- Nezavisni operater sistema za prenosni sistem u BiH u poglavlju 15 – Energija;
- Državna regulatorna agencija za radijacijsku i nuklearnu sigurnost u poglavlju 15 – Energija;
- Direkcija za civilno vazduhoplovstvo BiH za poglavlje 14 – Transportna politika i
- Regulatorni odbor željeznica BiH za poglavlje 14 – Transportna politika.

Takođe, Direkcija za evropske integracije je na osnovu podataka kojima raspolaže ustanovila da zaključno sa 31.1.2023. godine sljedeći nivoi vlasti u BiH nisu unijeli propise kojima je vršeno usklađivanje sa propisima EU:

- Federacija Bosne i Hercegovine u poglavljima 1, 3, 6, 11, 12, 13, 14, 15, 19, 23, 24 i 28;
- Brčko distrikt BiH u poglavljima 6, 19, 23 i 24;
- Hercegovačko-neretvanski kanton u poglavlju 13 – Ribarstvo;
- Posavski, Tuzlanski, Srednjobosanski, Kanton Sarajevo i Kanton 10 u poglavlju 24 (propisi kojima se uređuje oblast oružja);
- Svi kantoni u poglavlju 27 – Životna sredina.


### **3. Određivanje prioriteta**

Uzimajući u obzir da je Program integrisanja BiH izuzetno obiman i složen dokument, na samom početku procesa izrade je bilo neophodno definisati prioritete djelovanja i to:

- Prioritetne propise EU u okviru svakog poglavlja sa kojima treba vršiti usklađivanje u planskom periodu od 4 godine;
- Prioritetne preporuke Evropske komisije za koje je potrebno planirati druge mjere koje ne predstavljaju transponovanje propisa EU.

Faza određivanja prioriteta je u svim radnim grupama, a u skladu sa utvrđenim planom, započeta sa sastancima predsjedavajućeg radne grupe, zamjenika predsjedavajućeg i sekretara radne grupe koji u skladu sa članom 10. stav 3) Odluke o sistemu koordinacije procesa evropskih integracija u BiH djeluje u saradnji sa Direkcijom za evropske integracije. Na ovim sastancima su, na osnovu kriterijuma navedenih u Metodologiji izrade Programa, pripremljeni prvi nacrti listi prioriternih propisa EU i prioriternih preporuka EK. Ovako pripremljene liste prioriternih propisa EU i prioriternih preporuka EK predsjedavajući radnih grupa su uputili svojim radnim grupama i dali odgovarajući rok članovima za davanje komentara i dopuna. Po isteku roka, predsjedavajući RG je u saradnji sa zamjenicima, sekretarom radne grupe i članom radne grupe iz Direkcije za evropske integracije, objedinio komentare i nacrt liste prioriternih propisa EU i liste prioriternih preporuka EK dostavio radnoj grupi na glasanje i usvajanje.

Usvojene liste prioriteta propisa EU i prioriteta preporuka EK, predsjedavajući radnih grupa su dostavili Direkciji za evropske integracije radi unosa istih u ISEI. U slučajevima gdje radna grupa nije mogla postići konsenzus o prioriteta propisima EU i preporukama EK, sporna pitanja su se u skladu sa odredbama Odluke o sistemu koordinacije procesa evropskih integracija u Bosni i Hercegovini i drugih akata kojim se definiše rad tijela u sistemu koordinacije dostavljala Sekretarijatu Komisije za evropske integracije.



Zaključno sa 31.1.2023. godine, 29 radnih grupa za evropske integracije je završilo fazu određivanja prioriteta i Direkciji za evropske integracije dostavile usaglašene liste prioriteta propisa EU i prioriteta preporuka EK:

- Radna grupa za Politički kriterijum,
- Radna grupa za Reformu javne uprave,
- Radna grupa za Ekonomski kriterijum,
- Radna grupa za poglavlje 1 – Slobodno kretanje roba,
- Radna grupa za poglavlje 2 – Sloboda kretanja radnika,
- Radna grupa za poglavlje 3 – Pravo poslovnog nastanjanja i sloboda pružanja usluga,
- Radna grupa za poglavlje 5 – Javne nabavke,
- Radna grupa za poglavlje 6 – Pravo privrednih društava,
- Radna grupa za poglavlje 7 – Intelektualno vlasništvo,
- Radna grupa za poglavlje 8 – Konkurencija,
- Radna grupa za poglavlje 9 – Finansijske usluge,
- Radna grupa za poglavlje 11 – Poljoprivreda i ruralni razvoj<sup>1</sup>,
- Radna grupa za poglavlje 16 – Oporezivanje,
- Radna grupa za poglavlje 17 – Monetarna i ekonomska politika,
- Radna grupa za poglavlje 18 – Statistika,
- Radna grupa za poglavlje 19 – Socijalna politika i zapošljavanje,
- Radna grupa za poglavlje 20 – Industrijska politika i mala i srednja preduzeća,
- Radna grupa za poglavlje 21 – Transevropske mreže,
- Radna grupa za poglavlje 22 – Regionalna politika,

<sup>1</sup> Lista usaglašanih prioriteta preporuka EK je unesena u ISEI, dok je glasanje o prioriteta propisima EU okončano u RG i očekuje se ubrzo njeno dostavljanje Direkciji.

- Radna grupa za poglavlje 23 – Pravosuđe i osnovna prava,
- Radna grupa za poglavlje 24 – Pravda, sloboda i sigurnost,
- Radna grupa za poglavlje 26 – Obrazovanje i kultura,
- Radna grupa za poglavlje 27 – Životna sredina,
- Radna grupa za poglavlje 28 – Zaštita potrošača i zdravlja,
- Radna grupa za poglavlje 29 – Carinska unija,
- Radna grupa za poglavlje 30 – Vanjski odnosi,
- Radna grupa za poglavlje 31 – Vanjska sigurnosna i odbrambena politika,
- Radna grupa za poglavlje 32 – Finansijska kontrola,
- Radna grupa za poglavlje 33 – Finansijske i budžetske odredbe.

U okviru ovih poglavlja definisano je i usaglašeno 2.690 prioriternih propisa Evropske unije sa kojima treba vršiti usklađivanje u planskom periodu od 4 godine i 1.135 prioriternih preporuka Evropske komisije za koje je potrebno planirati druge mjere koje ne predstavljaju transponovanje propisa EU.

Zaključno sa 31.1.2023. godine, 7 radnih grupa za evropske integracije nije završilo fazu određivanja prioriteta, od čega u jednoj radnoj grupi za evropske integracije je završeno izjašnjavanje članova radne grupe o nacrtima listi prioriternih propisa EU i prioriternih preporuka EK, ali zaključno sa 31.1.2023. godine, liste nisu dostavljene Direkciji za evropske integracije:

- Radna grupa za poglavlje 25 – Nauka i istraživanje.

U dvije radne grupe za evropske integracije je inicirano izjašnjavanje članova radne grupe o nacrtima listi prioriternih propisa EU i prioriternih preporuka EK, ali zaključno sa 31.1.2023. godine, isto nije okončano:

- Radna grupa za poglavlje 10 – Informaciono društvo i mediji (*nije glasao član radne grupe iz Zapadnohercegovačkog kantona, tako da nije ispunjen kvorum*);
- Radna grupa za poglavlje 13 – Ribarstvo (*nije glasao član radne grupe iz Sarajevskog kantona, tako da nije ispunjen kvorum*).

U četiri radne grupe za evropske integracije predsjedavajući radne grupe zaključno sa 31.1.2023. godine nije dostavio nacрте listi prioriternih propisa EU i prioriternih preporuka EK na izjašnjavanje članovima radnih grupa:

- Radna grupa za poglavlje 12 – Sigurnost hrane, veterinarska i fitosanitarna politika,
- Radna grupa za poglavlje 14 – Transportna politika,
- Radna grupa za poglavlje 15 – Energija.
- U okviru radne grupe za poglavlje 4 – Slobodno kretanje kapitala, predsjedavajući RG je prekinuo glasanje i dostavio zahtjev za rješavanje spornih pitanja koji je sadržavao kompletne liste prioriternih propisa EU i prioriternih preporuka EK o kojima su se započeli izjašnjavati članovi radne grupe. Sekretarijat Komisije za evropske integracije je konstatovao da glasanje/odlučivanje unutar radne grupe nije obavljeno u skladu sa članom 8. Poslovnika o radu radnih grupa, posebno u vezi sa odredbama člana 3. stav (2) Odluke o sistemu koordinacije procesa evropskih integracija u BiH, te je Komisija

za evropske integracije donijela zaključak<sup>2</sup> kojim se zadužuje RG za poglavlje 4 da dostavi uredan i ispravan zahtjev za rješavanje spornih pitanja<sup>3</sup>.

#### Sporna pitanja u fazi određivanja prioriteta

Zaključno sa 31.1.2023. godine, 18 radnih grupa za evropske integracije nije moglo postići konsenzus o određenom broju prioriteta propisa EU i preporuka EK, i u skladu sa odredbama Odluke o sistemu koordinacije procesa evropskih integracija u Bosni i Hercegovini i drugih akata kojim se definiše rad tijela u sistemu koordinacije, dostavilo je sporna pitanja (153 preporuke EK i 31 propis EU) Sekretarijatu Komisije za evropske integracije:

- Radna grupa za politički kriterijum (40 preporuka EK),
- Radna grupa za ekonomski kriterijum (1 preporuka EK),
- Radna grupa za reformu javne uprave (13 preporuka EK),
- Radna grupa za poglavlje 1 – Slobodno kretanje roba (3 propisa EU)
- Radna grupa za poglavlje 2 – Sloboda kretanja radnika (2 preporuke EK),
- Radna grupa za poglavlje 3 – Pravo poslovnog nastanjanja i sloboda pružanja usluga (11 preporuka EK),
- Radna grupa za poglavlje 5 – Javne nabavke (1 preporuka EK i 1 propis EU),
- Radna grupa za poglavlje 6 – Pravo privrednih društava (11 preporuka EK i 12 propisa EU),
- Radna grupa za poglavlje 8 – Konkurencija (3 preporuke EK),
- Radna grupa za poglavlje 18 – Statistika (6 preporuka EK i 3 propisa EU),
- Radna grupa za poglavlje 19 – Socijalna politika i zapošljavanje (8 preporuka EK),
- Radna grupa za poglavlje 20 – Industrijska politika i mala i srednja preduzeća (6 preporuka EK),
- Radna grupa za poglavlje 21 – Transevropske mreže (5 preporuka EK i 7 propisa EU),
- Radna grupa za poglavlje 22 – Regionalna politika (1 preporuka EK),
- Radna grupa za poglavlje 24 – Pravda, sloboda i sigurnost (8 preporuka EK),
- Radna grupa za poglavlje 26 – Obrazovanje i kultura (30 preporuka EK i 1 propis EU),
- Radna grupa za poglavlje 27 – Životna sredina (5 preporuka EK i 4 propisa EU),
- Radna grupa za poglavlje 31 – Vanjska sigurnosna i odbrambena politika (2 preporuke EK).

Četiri radne grupe su završile fazu određivanja prioriteta i identifikovale sporna pitanja, ali zaključno sa 31.1.2023. godine ista nisu dostavile Sekretarijatu Komisije za evropske integracije:

- Radna grupa za poglavlje 9 – Finansijske usluge,
- Radna grupa za poglavlje 11 – Poljoprivreda i ruralni razvoj
- Radna grupa za poglavlje 23 – Pravosuđe i osnovna prava
- Radna grupa za poglavlje 28 – Zaštita potrošača i zdravlja

<sup>2</sup> Na 12. sjednici održanoj 23.11.2022. godine

<sup>3</sup> U skladu sa čl. 10. Odluke o sistemu koordinacije procesa evropskih integracija i čl. 9. Poslovnika o radu radnih grupa

Komisija za evropske integracije je na 12. sastanku<sup>4</sup>, razmatrala do tada dostavljena sporna pitanja u procesu izrade Programa integrisanja i tom prilikom riješila devet (9) spornih pitanja, na način da su usvojeni predloženi modeli za rješavanje spornih pitanja koji kao prioritetne predlažu preporuke EK i propise EU. U vezi sa preostala 84 sporna pitanja, Komisija za evropske integracije je dostavila Kolegijumu za evropske integracije zahtjev za njihovo rješavanje.

Takođe, Komisija je zadužila radnu grupu za poglavlje 9 – Finansijske usluge da dostavi uredan i ispravan zahtjev za rješavanje spornih pitanja, u skladu sa čl. 10. Odluke o sistemu koordinacije procesa evropskih integracija i čl. 9. Poslovnika o radu radnih grupa.

### **Naredne faze izrade Programa**

Direkcija za evropske integracije je 1.6.2021. godine, u saradnji sa koordinatorima za evropske integracije, pripremila Plan aktivnosti za naredne faze izrade Programa i to:

1. Pripremne aktivnosti za naredne faze izrade Programa;
2. Planiranje propisa kojim će se vršiti usklađivanje sa propisima EU, mjera za realizaciju preporuka EK i razvoja administrativnih kapaciteta;
3. Kontrola kvaliteta;
4. Izrada i usvajanje nacrtu akcionih planova i pregleda administrativnih kapaciteta po pregovaračkim poglavljima

Kao krajnji rok za završetak navedenih faza izrade Programa integrisanja određen je 26.11.2021. godine. Imajući u vidu da je realizacija aktivnosti u okviru prve tri faze značajno kasnila, kao i da u tom trenutku čak 14 radnih grupa za evropske integracije nije okončalo fazu određivanja prioriteta koja je preduslov za uspješnu realizaciju narednih faza izrade Programa, postavljeni rok nije ispoštovan.

Direkcija za evropske integracije se 11.11.2021. godine obratila svim predsjedavajućim i zamjenicima predsjedavajućih radnih grupa za evropske integracije i konstatovala da postoje kritična odstupanja od planirane dinamike rada, te ih pozvala da preduzmu sve neophodne aktivnosti kako bi se ubrzao proces i ispoštovali planirani rokovi. Poseban akcenat je stavljen na predsjedavajuće radnih grupa za evropske integracije u kojima nije završen proces određivanja prioriteta od kojih je zatraženo da najhitnije preduzmu neophodne aktivnosti kako bi se završio proces glasanja i Direkciji za evropske integracije dostavile liste usaglašenih prioriteta propisa EU i preporuka EK.

#### ***1. Pripremne aktivnosti za naredne faze izrade Programa***

U okviru pripremnih aktivnosti za naredne faze izrade Programa, u periodu 9.6 – 29.7.2021. godine održano je 11 *online* obuka u organizaciji Direkcije za evropske integracije, na kojima je učešće uzelo više od 800 državnih službenika iz 36 radnih grupa za evropske integracije. Cilj ovih obuka je bio da se dodatno predstavi Metodologija izrade Programa i Plan aktivnosti za naredne faze izrade Programa, kao i Informacioni sistem za podršku izradi Programa, te za njegovo korišćenje obučeni državni službenici koji učestvuju u ovom procesu.

---

<sup>4</sup> Održanom 23. novembra 2022 godine

**2. Planiranje propisa kojim će se vršiti usklađivanje sa propisima EU, mjera za realizaciju preporuka EK i razvoja administrativnih kapaciteta**

U ovoj fazi nadležne institucije su preko svojih predstavnika u radnim grupama za evropske integracije planirale propise kojim će se vršiti usklađivanje sa prioriternim propisima EU i mjere za realizaciju prioriternih preporuka Evropske komisije. Takođe, nadležne institucije su imale obavezu da daju i pregled postojećih administrativnih kapaciteta po pregovaračkim poglavljima i planiraju dodatno zapošljavanje u naredne četiri godine kako bi se ti kapaciteti ojačali. Unos podataka o planiranim propisima, mjerama i administrativnim kapacitetima je vršen popunjavanjem obrazaca u Informacionom sistemu za podršku izradi Programa integrisanja (ISEI).

Zaključno sa 31.1.2023. godine, institucije u BiH sa svih nivoa vlasti (preko svojih predstavnika u radnim grupama za evropske integracije) su u Informacioni sistem unijele 203 propisa kojim će se vršiti usklađivanje sa prioriternim propisima EU, 658 mjera za realizaciju prioriternih preporuka EK i 257 podatka o administrativnim kapacitetima za 99 institucija.

Od 350 institucija u BiH sa svih nivoa vlasti, koje imaju svoje predstavnike u radnim grupama za evropske integracije i koje na taj način učestvuju u izradi Programa integrisanja, samo njih 76 (*manje od 22 procenta*) je pristupilo popunjavanju obrazaca u Informacionom sistemu i unijelo 861 planirani propis i mjeru u procesu izrade Programa.

**Tabela 1 - Pregled broja unesenih planiranih propisa i mjera po nivoima vlasti**

Nivo vlasti	Broj unesenih propisa	Broj unesenih mjera	Broj institucija koje su predložile propise i mjere
Bosna i Hercegovina	57	253	25
Federacija Bosne i Hercegovine	65	61	9
Republika Srpska	67	193	14
Brčko distrikt Bosne i Hercegovine	3	23	6
Unsko-sanski kanton	1	44	6
Posavski kanton	0	0	0
Tuzlanski kanton	0	0	0
Zeničko-dobojski kanton	2	36	2
Bosansko-podrinjski kanton	1	5	3
Srednjobosanski kanton	0	0	0
Hercegovačko-neretvanski kanton	0	1	1
Zapadnohercegovački kanton	3	27	6
Kanton Sarajevo	1	15	3
Kanton 10	3	0	1
<b>UKUPNO</b>	<b>203</b>	<b>658</b>	<b>76</b>

U devet radnih grupa za evropske integracije, institucije su unijele dovoljan broj planiranih propisa i mjera za početak faze kontrole kvaliteta:

- Radna grupa za politički kriterijum,
- Radna grupa za poglavlje 1 – Slobodno kretanje roba
- Radna grupa za poglavlje 3 – Pravo poslovnog nastanjanja i sloboda pružanja usluga,
- Radna grupa za poglavlje 6 – Pravo privrednih društava.
- Radna grupa za poglavlje 7 – Intelektualno vlasništvo,
- Radna grupa za poglavlje 8 – Konkurencija,
- Radna grupa za poglavlje 27 – Životna sredina,



- Radna grupa za poglavlje 29 – Carinska unija,
- Radna grupa za poglavlje 30 – Vanjski odnosi,

### **3. Kontrola kvaliteta**

U ovoj fazi je predviđeno da predsjedavajući radne grupe, zamjenici predsjedavajućeg i sekretar radne grupe koji u skladu sa članom 10. stav 3) Odluke o sistemu koordinacije procesa evropskih integracija u BiH djeluje u saradnji sa Direkcijom za evropske integracije, vrše kontrolu kvaliteta planiranih propisa i mjera. U okviru kontrole kvaliteta posebna pažnja se trebala obratiti na:

- adekvatno adresiranje svih prioriternih propisa EU i prioriternih preporuka EK u poglavlju (radnoj grupi),
- planirani nivo usklađenosti propisa u BiH sa propisima EU,
- planiranje propisa u BiH u skladu sa zahtjevima EU zakonodavstva,
- usklađenost planiranih rokova usvajanja propisa i realizacije mjera na različitim nivoima vlasti u BiH,
- predlaganje propisa i mjera u skladu sa nadležnostima,
- prijedloge zajedničkih mjera više institucija.

Ovu fazu su započele **samo četiri radne grupe** za evropske integracije i to:

- Radna grupa za politički kriterijum,
- Radna grupa za poglavlje 7 – Intelektualno vlasništvo,
- Radna grupa za poglavlje 8 – Konkurencija i
- Radna grupa za poglavlje 30 – Vanjski odnosi.

U pet radnih grupa institucije su unijele dovoljan broj planiranih propisa i mjera, ali faza kontrole kvaliteta nije započeta:

- Radna grupa za poglavlje 27 – Životna sredina i
- Radna grupa za poglavlje 29 – Carinska unija.
- Radna grupa za poglavlje 3 – Pravo poslovnog nastanjanja i sloboda pružanja usluga.
- Radna grupa za poglavlje 1 – Slobodno kretanje roba i
- Radna grupa za poglavlje 6 – Pravo privrednih društava.

### **4. Izrada i usvajanje nacrtu akcionih planova i pregleda administrativnih kapaciteta po pregovaračkim poglavljima**

U ovoj fazi, predsjedavajući radne grupe, zamjenici predsjedavajućeg i sekretar radne grupe koji u skladu sa članom 10. stav 3) Odluke o sistemu koordinacije procesa evropskih integracija u BiH djeluje u saradnji sa Direkcijom za evropske integracije, a na osnovu unesenih propisa i mjera u Informacioni sistem, komentara u okviru kontrole kvaliteta, te dostavljenih komentara, izmjena i dopuna članova radne grupe pripremaju za svoje pregovaračko poglavlje:

- Nacrt Akcionog plana usklađivanja propisa u BiH sa propisima EU,
- Nacrt Akcionog plana za realizaciju preporuka Evropske komisije i
- Nacrt Pregleda administrativnih kapaciteta

Nacrti akcionih planova i pregleda administrativnih kapaciteta se na inicijativu predsjedavajućeg radne grupe, dostavljaju radnoj grupi na razmatranje i usvajanje.

Ovu fazu nije započela niti jedna radna grupa za evropske integracije.

### **Zaključna razmatranja**

Na osnovu analize do sada realizovanih aktivnosti na izradi Programa konstatovana su kritična odstupanja od planirane dinamike rada. U maju i septembru 2020. godine Kolegijum za evropske integracije, kao najviše političko tijelo u sistemu koordinacije procesa evropskih integracija u Bosni i Hercegovini, dao je punu političku podršku i potvrdu neophodnosti izrade i usvajanja Programa. Međutim, u radnim grupama za evropske integracije, koje su operativna tijela u sistemu koordinacije i nosioci ključnih aktivnosti na izradi Programa, bio je primjetan različit nivo posvećenosti članova radnih grupa, uključujući imenovane predsjedavajuće i zamjenike, ovom zadatku. Može se konstatovati zabrinjavajuće nizak nivo motivacije i odgovornosti predstavnika institucija sa svih nivoa vlasti u radnim grupama, koji je doveo do probijanja rokova koji su postavili Kolegijum i Komisija za evropske integracije. Radne grupe za evropske integracije se nisu pridržavale rokova definisanih u planovima aktivnosti, iako su isti bili dovoljno dugi i uvažavali otežane okolnosti na izradi dokumenta uzrokovane pandemijom virusa COVID-19. Samim tim nisu opravdana ogromna kašnjenja i zastoji u radu na izradi Programa integrisanja. Posebno su identifikovani sljedeći problemi:

- Faza određivanja prioriteta za čiji završetak je bilo planirano 6 mjeseci, nije okončana u 7 radnih grupa za evropske integracije (poglavlja 4, 10, 12, 13, 14, 15 i 25) čak ni nakon 28 mjeseci od početka izrade Programa. Ovakav zastoj u radu je posebno neosnovan imajući u vidu da su na početku faze određivanja prioriteta predstavnici Direkcije za evropske integracije u svim radnim grupama pripremili preliminarni pregled i analizu propisa EU i preporuka EK u poglavlju, što predstavlja svojevrsan prvi nacrt lista prioriteta na kojima bi članovi radnih grupa mogli dalje raditi.
- U tri radne grupe (poglavlja 12, 14 i 15), predsjedavajući radne grupe nije upoznao članove radne grupe sa nacrtom listi prioriteta propisa EU i preporuka Evropske komisije (EK) i samim tim nije pokrenut proces izjašnjavanja o prioritetima u procesu izrade Programa.
- U četiri radne grupe (poglavlja 4, 10, 13 i 25), započet je proces elektronskog izjašnjavanja članova radnih grupa o nacrtu lista prioriteta propisa EU i preporuka EK. Iz različitih (neopravdanih) razloga ovaj proces nije priveden kraju i usaglašene liste nisu dostavljene DEI.
- U dvije radne grupe (poglavlja 10 i 13) zbog izostanka izjašnjenja jednog člana radne grupe, nije ispunjen kvorum za odlučivanje.
- U radnim grupama za poglavlja 25, 31 i Politički kriterijum je došlo do zastoja u radu uslijed višemjesečnog čekanja na imenovanje novog člana/predsjedavajućeg radne grupe.
- U 17 radnih grupa nije završena aktivnost unosa postojećih propisa kojima je vršeno usklađivanje sa propisima EU i pored višestrukih intervencija i poziva Direkcije za evropske integracije.

- Radne grupe koje su završile planirane aktivnosti u okviru prve tri faze, učinile su to sa značajnim kašnjenjem, a zaostajanje je progresivno raslo pošto nije zabilježen napredak u narednim fazama izrade Programa integrisanja.
- Faza „Planiranja propisa i mjera“ je u potpunosti prikazala odsustvo motivacije, odgovornosti i strateškog pristupa predstavnika institucija u BiH u radnim grupama za evropske integracije. O ovome najbolje svjedoči činjenica da je u 29 radnih grupa definisano 2.690 prioriternih propisa Evropske unije i 1.135 prioriternih preporuka Evropske komisije koje je potrebno adresirati, a da je u fazi planiranja koja je trajala preko 20 mjeseci, u Informacioni sistem unijeto 203 propisa kojim će se vršiti usklađivanje sa prioriternim propisima EU i 658 mjera za realizaciju prioriternih preporuka EK. U fazi planiranja je do sada učestvovalo samo 76 od ukupno 350 institucija u BiH (manje od 22%) koje imaju svoje predstavnike u radnim grupama za evropske integracije.
- U skladu sa gore iznesenim podacima, fazu „Kontrole kvaliteta“ su započele samo četiri radne grupe za evropske integracije.
- Finalna faza „Izrade i usvajanje nacrtu akcionih planova i pregleda administrativnih kapaciteta po pregovaračkim poglavljima“ nije započeta niti u jednoj radnoj grupi za evropske integracije.

Direkcija za evropske integracije se u pet navrata (10.5, 28.5, 26.7, 11.11.2021. i 12.9.2022. godine) elektronskim putem obraćala svim predsjedavajućim i zamjenicima predsjedavajućih radnih grupa za evropske integracije, kako bi ih podsjetila da postoje kritična odstupanja od planirane dinamike rada, te ih pozvala da preduzmu sve neophodne aktivnosti kako bi se ubrzao proces i ispoštovali planirani rokovi. Ni nakon toga nije zabilježen značajniji angažman i napredak u realizaciji predmetnih aktivnosti.

U skladu sa Metodologijom, Direkcija je u svojstvu sekretarijata Komisije za evropske integracije, po završetku prve tri faze izrade Programa integrisanja dostavila Komisiji Izvještaj o realizovanim aktivnostima na izradi Programa u svakom od poglavlja, u okviru kojeg je istakla probleme i zastoje u radu. Takođe, dostavljena su i sporna pitanja o kojima radne grupe za evropske integracije nisu mogle postići konsenzus u fazi određivanja prioriteta.

Po isteku definisanog roka za završetak izrade Programa od 15 mjeseci, Direkcija je (dopisom od 27.12.2021. godine) dostavila sveobuhvatni Izvještaj o realizaciji aktivnosti na izradi Programa Komisiji za evropske integracije, članovima Kolegijuma za evropske integracije i članovima Savjeta ministara BiH.

Komisija za evropske integracije je na 11. sastanku održanom 6. septembra 2022. godine usvojila pomenuti Izvještaj i zadužila 14 radnih grupa za evropske integracije da završe fazu određivanja prioriteta do 30.9.2022. godine. Takođe, Komisija je zadužila sve radne grupe da do **31.1.2023. godine** završe naredne faze izrade Programa integrisanja BiH u EU. Direkcija je obavijestila sve radne grupe o usvojenim zaključcima Komisije i pozvala članove radnih grupa da bez odlaganja preduzmu sve neophodne aktivnosti kako bi se u zadatom roku završila izrada Programa.

Takođe, Direkcija je 15.9.2022. godine održala *online* konsultacije u vezi sa aktivnostima na završetku faze određivanja prioriteta u okviru izrade Programa integrisanja Bosne i Hercegovine u Evropsku uniju. Cilj ovih konsultacija je bio da se članovima radnih grupa

dodatno pojasni Metodologija za izradu Programa i kroz diskusiju razjasne postojeće nejasnoće kako bi se prevazišli kritični zastoji u radu. Na konsultacijama je učestvovalo 130 od pozvanih 570 članova radnih grupa za evropske integracije koje nisu završile fazu određivanja prioriteta. Dodatno, Direkcija je 14.10.2022. održala *online* konsultacije u vezi narednih faza izrade Programa integrisanja. Cilj konsultacija je bio da se članovima radnih grupa koje su završile fazu određivanja prioriteta dodatno pojasne aktivnosti u narednim fazama izrade Programa integrisanja, te kroz diskusiju razjasne eventualne nejasnoće. Na konsultacijama je učestvovalo 242 od pozvana 892 člana radnih grupa za evropske integracije koje su ispunile uslov za početak narednih faza izrade Programa. Takođe, Direkcija je tokom cijelog procesa izrade Programa pružala stručnu pomoć predstavnicima institucija u radnim grupama za evropske integracije putem neformalnih konsultacija.

Komisija za evropske integracije je na 12. sastanku, održanom 23. novembra 2022. godine, usvojila Izvještaj o realizovanim aktivnostima u okviru faze određivanja prioriteta koji je dostavljen (dopisom od 12.1.2023. godine) članovima Kolegijuma za evropske integracije.

Može se konstatovati da je u drugoj polovini 2022. godine ostvaren određeni napredak u radu radnih grupa, ali završetak aktivnosti na izradi Programa ni po isteku dodatnog roka koji je postavila Komisija za evropske integracije nije postignut.

Uzimajući u obzir da je postizanje boljih rezultata u radu Mehanizma koordinacije, uključujući izradu NPAA (Programa) jedan od 14 ključnih prioriteta koje je Evropska komisija navela u Mišljenju o zahtjevu Bosne i Hercegovine za članstvo u Evropskoj uniji, a ponovila prilikom preporučivanja dodjeljivanja kandidatskog statusa BiH, potrebno je hitno održati sjednicu Kolegijuma za evropske integracije na kojoj bi se razmatrao Izvještaj o aktivnostima u okviru izrade Programa, te još jednom potvrdila politička posvećenost neophodnosti i hitnosti završetka izrade i usvajanja ovog ključnog cjelodržavnog programskog dokumenta u procesu pristupanja EU.

**Tabela 2 - Pregled realizacije po radnim grupama i fazama izrade Programa integrisanja**

Radna grupa	Prve tri faze izrade PI				Naredne faze izrade PI					
	Detaljni plan aktivnosti	Pripremne aktivnosti	Unos postojećih propisa	Određivanje prioriteta propisa EU i preporuka EK	Detaljni plan aktivnosti	Pripremne aktivnosti	Planiranje propisa i mjera	Kontrola kvaliteta	Planiranje admin kapaciteta	Usvajanje akcionih planova i pregleda admin kapaciteta
Politički kriterij			DA	DA			DA	DA	NE	NE
Ekonomski kriterij			DA	DA			DA	DA	NE	NE
Reforma javne uprave			DA	DA			NE	NE	NE	NE
Poglavlje 1			NE	DA			NE	NE	NE	NE
Poglavlje 2			DA	DA			DA	NE	NE	NE
Poglavlje 3			NE	DA			NE	NE	NE	NE
Poglavlje 4			NE	NE			DA	NE	NE	NE
Poglavlje 5			NE	DA			NE	NE	NE	NE
Poglavlje 6			NE	DA			NE	NE	NE	NE
Poglavlje 7			DA	DA			DA	NE	NE	NE
Poglavlje 8			DA	DA			DA	DA	NE	NE
Poglavlje 9			DA	DA			DA	DA	NE	NE
Poglavlje 10			NE	NE			NE	NE	NE	NE
Poglavlje 11			NE	DA			NE	NE	NE	NE
Poglavlje 12			NE	NE			NE	NE	NE	NE
Poglavlje 13			NE	NE			NE	NE	NE	NE
Poglavlje 14			NE	NE			NE	NE	NE	NE
Poglavlje 15			NE	NE			NE	NE	NE	NE
Poglavlje 16	DA	DA	NE	NE	DA	DA	NE	NE	NE	NE
Poglavlje 17			DA	DA			NE	NE	NE	NE
Poglavlje 18			DA	DA			NE	NE	NE	NE
Poglavlje 19			NE	DA			NE	NE	NE	NE
Poglavlje 20			DA	DA			NE	NE	NE	NE
Poglavlje 21			DA	DA			NE	NE	NE	NE
Poglavlje 22			DA	DA			NE	NE	NE	NE
Poglavlje 23			NE	DA			NE	NE	NE	NE
Poglavlje 24			NE	DA			NE	NE	NE	NE
Poglavlje 25			DA	NE			NE	NE	NE	NE
Poglavlje 26			DA	DA			NE	NE	NE	NE
Poglavlje 27			NE	DA			NE	NE	NE	NE
Poglavlje 28			NE	DA			DA	NE	NE	NE
Poglavlje 29			DA	DA			NE	NE	NE	NE
Poglavlje 30			NE	DA			DA	NE	NE	NE
Poglavlje 31			DA	DA			DA	DA	NE	NE
Poglavlje 32			DA	DA			NE	NE	NE	NE
Poglavlje 33			DA	DA			NE	NE	NE	NE

